

存悔集

四明張氏約園開雕

序

存悔集者何范冬齋詩也集何以存悔名冬齋曰震无

咎存乎悔因此補過也蔣榜庵傳盧配京錦因及冬齋

曰冬齋少負才不羈謝山力挫折之始翻然從事於根

柢之學名其集者所以志悔也謝山高第弟子曰盧配

京曰蔣榜庵學鏞曰張望槎炳曰李雪坪立楨曰董小

鈍秉純合冬齋而六所謂許可者不過五六人者是也

見李立損傳小鈍最後死而冬齋實先亡誌冬齋墓者謝山

也謝山之哀冬齋哀其年也豈獨哀其年哀其失傳人

存悔集序

一四明叢書
一約園刊本

也謝山曰學統之分合經術之醇漓史案之異同文章

之盛衰正變無不了了配京精悍冲一冬齋又濟之以

縝密嗜學之深罕有足與二人抗手者自黎洲輯宋元

學案謝山增補之及門弟子羣襄厥事而尤得助於冬

齋故榜庵傳冬齋曰留心學案窮年兀兀蓋謂此也天

不假年僅僅以詩傳而所爲詩謝山又謂其有敗葦枯

楊之感今讀其詩誠哉悲音也然如有懷一作有云大

節陶貞兼庾孝母儀歐教更班箴自註云先曾伯祖驚

伯先生故國諸生不仕順治戊戌以孝行旌先祖母楊

氏乾隆辛酉欽旌節孝二十初度詩云孝友一門堪特

傳冰霜六載教孤兒自註與前略同然則冬齋之詩詩

史也

攻甬上望族表西湖范氏洪震一望案洪震字驚伯一作驚百續甬上耆舊傳孝子億子億父客死

於贛母楊氏撫之走數千里不見父遺骸孝子復生孝

子驚伯行誼酷肖乃父與弟洪星洪宿鄉黨稱爲三友

康熙己未城西火烈獨其門無恙謝山紀驚伯遺事更

言管江杜秀才懋俊死節其孤以與陸處士字燦買藥

過孝子因爲之乞其三喪置墓田並助之娶焉驚伯之

孫延謀嘗註杜詩直解三卷又作杜工部年譜一卷雍

正戊申刻之於稼石堂冬齋以貞孝之裔淵源家學今存其詩存

其人存其學存其家世也詩何以得存謝山手選也手

選之本藏之者配京之孫卓人也

卓人名杰四明談助道光丁未夏日卓人

於故紙中檢得存悔集卓人藏之六十年見之者陳氏餘山也序

之者張氏鐵峯也梓之者卓人也攜之以示余者馮孟

頌也陳氏之詩誦羣經質張氏之漢書讀三種壽鏞旣

先後刻之茲更重刻斯集獨惜天能不火孝子之門而

不能永冬齋之壽然天雖不永壽而有此二百篇之存

則亦不終爲壽奪也民國二十四年十一月後學張壽

鏞序

存悔集序

一四明叢書
約園刊本

序

冬齋范冲一先生鵬與月船廬先生鎬同遊謝山全太史之門兩人道相合氣相投也願月船學與年進以名孝廉官平陽學博而冬齋不得志於時年未及壯而遽卒月船收其遺詩謝山誌其墓以爲王逢原之流去今纔百餘年而今人士已無知有冬齋其人者而況自茲以後乎雖然士之得聞於世以著述名也謝山門下之精文藝者尙有蔣樗菴學鏞董小鈍秉純張壑槎炳李雪坪立檟諸先輩蔣董皆有著錄張通毛詩李尤邃於經著病枕草率皆散佚惟冬齋存悔集幸而獨存曩與陳漁山姊婿過月船之孫卓人孝廉家檢取其集讀之點綴皆謝山手蹟選定二百餘首稱於茶山紫薇止齋爲近而又勉其葆護愛惜不宜並於病鷗寒鶴之音嗚呼冬齋之自促其生抑亦有由矣漁山屬卓人什襲珍藏俟諸異日踵謝山續書舊之後備列一家回溯是語忽忽二十餘年今年夏卓人袖其遺集謂余曰余守是稿六十年近十餘年來屢值播遷其不毀於媪火牛篋者倖爾今老矣漁山又以道阻不得歸此時不謀剞劂

安知不終歸散佚其於先祖收藏之意云何子爲我序
其端而付之梓卽余願慰矣余案構菴存稿八卷黃東
井先生刻於嘉慶癸酉小鈍文集藏於家其百花吟刻
於拜梅山房月船詩稿初亦東井先生刻之粵東卓人
近擬刊爲大帙獨念余於先世兩代詩未及登板而卓
人旣欲重刻其祖之遺稿又復遠追世誼並取先人之
所藏出以行世謂是淵源一脈所推不可聽其淹沒前
輩筆墨自是得以並傳是則余之所重媿也夫咸豐七
年四月後學張恕謹序

范冲一穿中柱文

冲一生而慧年十五補諸生願自視甚高於世人無當其意者其初來見也予頗思所以裁量之冲一知予意遽折節益矢力於古學良久屬其友致意於予若惟恐不相梯接者予急延之則其學已大進而容貌辭氣退然無復前者之比自是昕夕至予家相討論甬上師友源流自昔甲於吳越年來耆老凋喪無復高曾之規矩經史溝滄俱成斷港閒有習爲聲韻者不過街談巷語之伎倆其中索然無有而妄相夸大其餘則捧場屋之

存悔集

穿柱文

一

四

約刊本

文爲鴻寶展轉相師一望茅葦封己自足要皆原伯魯家子弟也冲一求友於里中城東小江甲盧生配京長於冲一七八歲其資器相伯仲二人相與浮厲得一書則更迭讀之閒有所疑則折衷於予學統之分合經術之醇漓史案之異同文章之盛衰正變無不了一配京精悍冲一濟之以縝密皆五行並下一日可盡數卷里中之書不足供其漁獵則請予借書於淮東馬氏小玲瓏山館浙西趙氏小山堂窮年兀兀以予所見通家子弟甬上最乏材若江淮後起之秀不少奇特然嗜學之

深罕有足與二人抗手者方私心竊喜以爲甬上先正
實佑啓之以振粉社之積衰卽予之老病荒落亦或得
乞靈焉以邀將伯之助而豈意冲一年甫二十有三一
病而死惟予素有憂於冲一者以冲一之年始出水芙
蕖耳而其所爲詩時時有敗葦枯楊之感予切戒之曰
是不祥之徵也當痛改之冲一善予言而不能自克閒
嘗科形而坐視其髮種種然秃翁也益危之不謂其竟
不及五稔也今年之春翠華南幸予力疾迎於吳下冲
一亦至杭見予嗜血之厲也愀然曰方今東南又獻之
寄在先生而比年學稍就衰願深自調護勿過勞以愆
生時杭堇浦方以漢書疏證令予覆審冲一每見予之
所論定以爲在劉原父吳斗南之上及送駕於吳下冲
一別予河干黯然東返嗚呼冲一方憂予之死而反以
身後之文累予河干握手遂成永訣祝予之嗟能無長
痛古人之負高才而不壽者多矣以冲一較之其殆王
逢原之流亞邢敦夫輩未能逮也王邢雖天幸賴有力
者之口以傳冲一之死誰其傳之者冲一篤於友朋之
誼殷勤急難不惜竭力以濟人天假之年豈非有用之

才子自邗上歸過哭之其父哭於堂其母哭於戶內慘
然欲絕而配京亦流涕向予有隻輪孤翼之懼嗚呼孰
謂斯人短折若此冲一姓范氏名鵬一字冬齋世爲鄞
之白檀里人五世祖意暨曾伯祖洪震皆以孝子旌曾
祖洪某祖佩某父章甫諸生娶孫氏先冲一卒無子以
再從子承明爲後生於某年月日卒於某年月日葬於
某鄉之某原冲一從予求樓宣獻公集開慶四明志暨
宛溪讀史方輿紀要諸書者久矣今年始從小玲瓏山
館攜致之而冲一已卒令配京陳書襯前以醉之更爲
之銘其幽其詞曰

二惠競爽差慰寂寥又弱一个令我魂銷念茲草堂君
所橫經歲晏歸來無君履聲將行萬里出門折軸豈祇
雙親爲君痛哭全祖望撰

存悔集目序

乙丑歲永年十七始學爲詩寄懷託興信口而出非有風雅淵源也積至庚午得詩若干首合爲一卷名之曰存悔集聖訓有之言寡尤行寡悔三代而下人多不肖世之尤我其又何論夫言者心之聲也行事之實也詩雖不工愁病之餘性情行事大略可考人苦不自知事後始見他日展卷必將有翻然悔於吾心者易曰震无咎者存乎悔因此補過以修其身焉庶幾不遠之復也夫庚午剛反後一日冬齋主人鵬書

存悔集

自序

四明叢書
約園刊本

存悔集

清鄭范 鵬沖一撰

乙丑春日讀書誰來書屋偶作

和風吹鳥識芳華如在桃源野老家
激激白波開皓月
瀼瀼清露潤紅花生香庭內幽蘭茁
春意窗前細草芽
他日買山招隱去赤松應許伴煙霞

夜雨

漏院淒涼鼓四更芭蕉葉戰草蟲鳴
如花燈燄因風暗
似草憂心趁雨生茅屋細零千萬點
花枝殘滴兩三聲
夜長恰與幽思永淚落寧同兒女情

存悔集

一四明樓書

約圖刊本

丙寅春曉

曉春無事正徜徉元氣茫茫草堂遲日
一竿初出海
寒原千里尙凝霜山開東牖無端碧
春入南枝不住香
誰識清明平旦景此中消息最難量

自和秋夜詩

夜夜幽人步曲塘疏涼氣襲荷裳
青山長任白雲繞
明月不隨流水忙幾度驚飈楓葉赤
數絲微雨菊花香
休悲秋染風光慘正是天成景物芳

有懷

又見陽烏欲轉南，人生何處蔗餘甘。
蟬心小事今如此，掘閱生涯我未諳。
不分癡頑貪厚福，敢辭勞苦鍊奇男。
老親多病歡娛少，種種酸辛正自含。

長貧久已任清門，近事艱難繞夢魂。
翼翼巖君勤播穫，勞勞慈母洽饗飡。
倚儉習慣空佔嗶，甘旨誰謀少弟昆。
夙昔許身羞捧檄，一犁春雨向前村。

側身天地淚霑襟，矯首吾家豈易任。
大節陶貞兼庾孝，母儀歐教更班箴。
先疇舊德光如昨，虎尾春冰凜自今。

存懷集

二四明叢書

少日但拋蝶夢裏，何因少慰二人心。

先曾伯祖鷲百先生故國諸生不仕

順治戊戌以孝行徵先祖母楊氏乾隆辛酉欽旌節孝

哭二姊詩

八月廿七日去年祖妣亡感念已一周姊將拜小祥中秋月正圓是日來上堂堂前賞月色兒女列成行外祖分果餅外母授膏粱諸姨與舅父笑語相嬉翔誰知哀戚根已伏歡樂場九月朔微疾十七始臥牀綿延六七日病已入膏肓醫者共推辭生理竟無望廿三送姊歸姊先斷肝腸老父抱汝哭母病哭於房弟妹三四人哭

聲震蒼蒼生離同死別秋日慘無光歸家僅四朝魂魄
返蒼茫言念此時景誰能不心傷

姊年三十一廿年爲室女不出閨戶門沈重寡言語丙
辰適葛家舅姑事如父婦人無攸遂敬順但如鼠十里
愁何多綢繆思陰雨憂毒能傷人疾疢潛肺腑一發竟
難收痛絕老公姥叔妹淚如雲遺孤爲爾撫婦人能若
茲全歸真可許所嗟二人心哀爾一生苦

姊性最賢淑于歸啜其泣夫婦百年人不淑何嗟及得
意爲永華失意爲永訖昔聞班姬言專心與正色藁砧

存悔集

二四明叢書
約園刊本

一何頑秋蓮含苦蔕今秋歸寧時自言將永螫觀縷向
老娘相對秋衣溼死後遺藐孤小者年週一長六女十
齡依依祖母側有父年三旬痛癢不相憶死者如有知
幽魂應更惻乾坤寬無終窮途何其逼哭姊得自傷氣
消神鬱邑

雪夜與友人飲

冰凍長河雪滿城客來寒夜近初更久多孤憤誰相語
笑指醇醪且共傾痛哭窮途愁阮籍激昂罵世法爾衡
年來意氣消磨盡卻怕浮沈過此生

晤友述懷

惟君不厭數相親活火清茶共此辰
冬日全無春日意少成都似老成人
將舒梅萼冰偏壓凌雪松虬世孰珍
此事伊誰還解得應憐同病一傷神

丁卯正月二十日葛甥逢吉來

去年阿姊攜甥至今日蒼頭負卻來
見汝人人追哭姊數年習慣便忘懷

一棺草草委空山死去原知更不還
待得此兒能哭母

問從何處識慈顏

存悔集

四四明叢書
約園刊本

誰將幼子竟生離不見成人姊更悲
精爽茫茫應未死歸來堂上看孩兒

寒夜讀罷望月

恩恩短晷惜寒儒誰繼膏油夜課虛
君莫綺羅叢裏去只應長照苦攻書

膠擾無端是處忙佚游閒逐少年場
對君不覺心如洗更有霜風透骨涼

風冷霜寒夜氣深
明光不受點塵侵
寒原一片接天白
此是簞瓢陋巷心

獨居高閣更無朋
夜夜清吟到幾更
讀罷開門長有信
要看圓月滿中庭

四更白露已成團
缺月如梳到半天
寒氣逼人誰肯立
清光辜負上茅檐

彩雲散盡月溶溶
萬籟無聲夜半鐘
天地寥寥民氣古
杳然清夢到羲農

隔舍荒雞故一鳴
夜深點破寂寥情
積陰盡處微陽轉
物類都含至道精

看君夜夜倍精神
點綴寒梅瘦影新
此際問誰能共賞

李悔集

五 四明叢書

約園刊本

古來相賞幾多人

夜讀

一卷對孤鐙
空堂近四更
古人不可見
深夜寂無聲
影綻梅將馥
天寒月更清
遙遙望知己
應惜此時情

園桃未放

戊辰

三月桃都放小園
春獨遲莫憐開不早
落亦後他枝

贈史雪汀先生兼示諸同學

一例詩窮自古悲
能窮不作斷腸詩
雪深冰壯凡花死
此是冬青兀立時

浪遊非願布衣輕櫟社詩翁晚歲情百畝薄田堪自老
諸君何以慰先生

讀止齋詩書後

萬物欲保合天氣蕭蕭清一卷止齋詩悠然移我情誰
能爲此語楚騷多怨聲直須繼三百溫厚而和平當時
諸詩人誰主騷壇盟胡然不相知將毋薄詩鳴在昔澹
菴公殷勤薦考亭考亭亦有言僥倖類平生猗與遊藝
末上本至道精兩賢夫如何拳拳昔服膺澤大魚龍潛
山高草木榮文章出自然何多謝其名

存悔集

六四明叢書

約園刊本

吁嗟古詩人勞心何戚戚一字吟未安終夜不貼席當
其嘔心血亦足驚座客忽然蕩飄風千秋蠹魚食流傳
幸到今雜沓眾芳列後來巨眼看如彼華與色杜詩萬
口傳忠肝日憤激在晉惟陶公詩歌能自得如何止齋
翁信口言有物有時淚欲傾銅駝在荊棘總無變徵聲
而況事刻劃清廟有朱絃一唱三歎息活水到底清圓
月終夜白長留天地閒不作土中碧

呈謝山先生時主戴山講席

鄞江水接舜江頭昔日黎洲在甬甸萬氏八龍趨一席

鄭家二老配千秋還將湖上證人派來障蔽山旣倒流
末學殷勤西眺首講堂深夜夢魂遊

文叔家湯餅會詩

堂前佳客何師師華筵湯餅多且宜主人開顏誦客詩
歡然郭氏稱有兒家家人子亦何奇身爲父母便奢期
孩提箇箇有良知終身孺慕原可爲何來頭角生岐嶷
啼聲呱呱達四達定克厥家昌厥支謀欲誦言嫌譽辭
我獨於君進一卮團團膝下無相離他年承歡胡弗思
思君亦有始生時

存悔集

七四明叢書

約園刊本

請自

請自今朝始長辭惡少年高樓垂竹箔永日理章編兩
過花香入風清竹韻傳晚來閒啜茗明月到中天

六月二十日予二十初度月船老兄贈詩勉之以

學闕然久不報冬日得七律五首奉答佳况

首

悠悠長夏度生辰詩共荷香綠水濱驚看小園梅馥郁
忽思佳况報逡巡生平疏懶多如此任爾優游亦怕人
二十年來辛苦悉悔教愁病送芳春

第一流人卻讓誰

來詩中語

淵源未遠自宜師先憂後樂吾

何敢繩祖貽孫世所知孝友一門堪特傳

先高祖懷素先生先曾伯

祖驚伯先生先曾祖炳

如先生郡志皆有傳

冰霜六歲教孤兒先祖去世時家君方六歲

教之成立家聲如此愁難任賴有良朋逆耳規

脂卻名車驥可鞭所思原在泰山巔路歧只向來時識

程遠還期去得堅那得中間偷一步更愁春始到殘年

須君掖我青霄上極目平原萬里天

卽事

請君更號作休休醉後安知夢裏愁清影向來防水弩

存懷集

八

四明叢書
約園刊本

機心今日到沙鷗撫膺落落空三歎望古青青在兩眸

好向老農分五畝一犁春事外無求

高樓愁絕每長凭雲水蒼茫不盡情夢去得詩聲更苦

醉來窺鏡面如冰枝閒冷落冬心在灰裏朱殷宿火明

試待晚來寒月上問誰相伴暮山橫

翼成甥送油

膏油相贈短燈檠添得窮經眼愈明卻愧未如王輔嗣

他年說易待吾甥

觀月

中夜忽太息抱膝起長吟孤燈耿無光月上高樓岑開
門試望之涼氣侵我襟百爾妄念消悠然得初心
萬籟何寥寂寒更自三巡獨醒夜正長得月如在晨誰
謂羲農遠而願無懷民美人天一方此意誰與論
一月當空懸萬里無纖塵北斗舒寒芒眾星乍亡存遙
遙二千年乃見魯叟淳弟子豈不多吾思顏與原

雪夜有月

幽人夜未眠開門看積雪光華何更濃舉頭見明月
宛在水中央又如天上坐隣舍雞三號空庭人一箇

存梅集

九四明叢書

約園刊本

天色匝地白夜闌那人看幽情未忍負獨立耐深寒
萬里歲寒心美人不相見微吟四愁詩飛落梅花片

文叔約賓王配京與余爲四明雪竇之遊詩以速

之

滿眼魑魅吁可驚市井局促難爲生青山於吾有舊盟
故人誰寄招隱聲吾聞四明山二百八十峯巒岿其中
邃古如桃源蒼松無數參青霄怪石巉巖羅其根生香
不斷四季花過雲百變掀波瀾瀑布飛泉數千丈無冬
無夏聲潺湲別有春風與秋月相看夜鶴與曉猿紛紛

靈蹟難爲數二韭三菁都可煮石窗石室至今存青幽
天外誰至止我欲結茅屋二三更招素心人四五香爐
茶竈外無須載將手披舊書史黃農一日到如今姬孔
三畫觀太始一勺蜜巖泉一掬青樵子有魚可釣薪可
樵此樂便忘老且死吁嗟乎塵縛何時得暫離買山更
乏囊中資名山非云遙仰止不見如調飢何來郭公襟
韻孤玉川先生道氣腴西鄰洪厓亦吾徒思從梅子訪
仙居東穿雪竇過菱湖三君子貌山澤癯與吾相去無
須與胡爲久向塵中驅快哉兩眼得一據道行有兆此

存悔集

十四期藏書

約園刊本

夢尋梅

非與請君亟行莫徐徐梅花未殘柳半舒峯巒骨出神
疏疏山靈傳語夜啓途他年不負素心者先入茲山定
茅舍萬壑清風透骨寒相待長松明月下

高樓吹徹紫雲簫一片香魂不可招髣髴月明霜又冷
小童扶我過溪橋

己巳元日

小樓近市日紛如曉色陰陰靜下除萬物少休還大始
廿年多病憶生初乍更佳節應排悶性耐幽棲好讀書

卻掩竹門無客到旁人錯道子雲居

萊衣捧酒袖斑斕擬頌椒花一佐歡小子素心甘澹泊
老親眷願亦平安但如古柏遲遲翠且看新花點點丹
去歲臘殘風信轉春聲吹鳥已關關

殷勤但解數行書二十年來一夢餘輸與兒曹爭爆竹
漸從人後飲屠酥情如老倦誰招隱事與愁緣願卜居
已約同人先擇地不於雪竇卽雲湖

夢故人用文公韻

回首年年總是愁誰人解與一分憂山遮水樹非常遠

存梅集

十二四明叢書

約園刊本

夢繞雲羅不肯秋冰雪肌膚甘冷淡別離情味更綢繆
何如竟向山中老長謝人間萬事休

記夢

昨宵清夢到何許山雲濛濛山樹溼手拂怪石坐碧苔
朗讀一卷仙人集眼前有友意中人掩蓋無言靜相親
須臾雲斂圓月生流泉淙淙如琴聲時有雙鶴空中鳴
將爲雪竇之遊爲雨所阻奉柬月船老兄且堅後

約己已

約與同人問一山春冰泮泮鳥關關雲雷卻向人閒滿

奇幻思從足下看更展佳期待明月自聽殘雨到更闌
遲行正憶文公語添得飛泉幾道寒

遊雪竇詩

遲遲日西斜舉頭見明月陰雲忽四垂一棹輕於葉風
雷啓前途遲韻蕭蕭發久懷雪竇遊暫與塵緣別風景
太寒生恐阻登山屐諸君笑謂予年來如病熱借此得
幽涼晚山清見骨晨興試捲蓬洲渚已一昔高樓臨水
開魚罾依竹設夾岸有長林春禽聲尙結陰陰溪路斜
疏鐘雲外咽松杉一徑交山僧出迎客依稀五年前去

存梅集

十二四明叢書

約園刊本

問野人宅重來一夢裏舊事杳難迹

諸君遊興濃雨聲忽已住江流百折長趁此放船去遠
峯疊疊來陰雲吞復吐絕壁生樓臺猛獸或蹲踞細看
山石奇青蒼雜高樹江盡溪水來水淺不可泝且試登
山足捨舟縱闊步碧山已周遭掩映嵐光暮芒躑踏春
雲村翁屢問路炊煙莽蒼中忽有人家聚且沽軟腳酒
卻笑情無據蕭晨小溪頭怪底陰晴互明朝嶺路賒更
望陽烏曙

夜闌灑窗聲曉雪白於紙初日何瞳瞳山路淨如洗大

塊假文章無須更翦綵松柏亦飛花頃刻垂新葉晴光
更作態高處縱遠視渾疑玉乾坤此行殊奇偉誰云不
勝寒半嶺獨延佇曲流望最明練帶吹不起萬山環百
畝吾將負耒耜金碧映瓊樓波濤動溪水含珠有高林
錦鏡空故址名勝何處尋野叟遙遙指嗟彼柔脆人豈
識清寒美攜酒向春郊醺然醉紅紫

平平妙高臺忘是山之巔徘徊出菴表萬峯羅其前點
點青閒蒼疊疊斷更連舉手如可招縹緲生雲煙層巖
試俯瞰棋局綴稻田細草何微茫乃是竹嬋娟拗然獅

李梅集

十三四明叢書

約園刊本

子巖藤蘿自樛纏微雪猶未消點點瓊花妍何方堪宴
坐斜日松西邊再披雪樹行路絕境又遷看此屏障周
疑與蒼天黏生平愛山僻豈知畫難傳卽令暫一來已
斷人世緣立腳山上山極目天外天陰雲亂暝色小菴
足高眠

行行上山椒磐石臨崖在萬壑泉聲多到此聲更大崖
邊臥老松惜哉風雨拔踞坐側身看異境誰爲愛白虹
下雲端忽作飛雪灑潭深更幾許目炫心轉快高原千
山來曲流遠溪會無心望前峯層雲生躡躑其西千丈

巖巉嶮露蒼翠根無雙飛覺更高峯最不知自何年
奔注如天外造物亦童心劈削見奇怪險驚兒女眼偉
動丈夫概豈無山人結廬長作對未窮一日力更莫
千尋態巖下舉頭看幽興明朝再

舟行望月生月乃在山寺積雪未肯消寒芒動人袂翛
然下西廊水光匝天地遙山淡淡明古松時滴翠蒼茫
雲樹中彷彿青燐墜當時草木腥埃塢未可避鼓鐘寂
無聲琉璃光欲昧天近星宿稀林深麋鹿睡此夕足徘徊
領取靜中味卻疑山閒月不照塵世事相顧一庭人

存梅集

十四 西 朔 叢 書

約園刊本

遲遲如有意便當洗名腸與月堪相對更辦耐寒骨以
待冰霜至夜定風自生山寒雲作隊暗語萬山人閒
方夢寐

隱潭深復深絕景地中莫懶與人世看幽尋盡奇變攀
蘿下無極積雪飄片片潮聲近耳旁飛泉卻未見四圍
峭壁垂水中石可踐有巖突兀生迴迴如欲卷深流在
其中天際飛匹練水味清且剛沁心爲三嚙青天如盤
盂巖頭寸光睨垂冰大於椽細霧侵人面小鳥翔不集
古藤寒更構忽看崖路曲千丈裊一線有客不能從遙

遙陟在巘誰能更久畱
握衣獨我殿回頭水淵淵
潛龍未肯見春雷已先鳴
碧潭胡脊戀

下巖路何許清興不可極
願得舉頭看不辭疲腳力
放步險已生岡頭石鬱堦
何人遂卻迴我亦杖一策
飽經人世閒崎嶇狀百億
如此卻平夷況是尋奇迹
慘澹陰風生杳渺寒雲密
叢薄猛獸藏石筍凌空立
同行二三人仄徑千百折
好鳥或飛鳴小水時衝激
路轉見飛泉仰面千尋白
胡爲化雪花崖半層層石
更探瀑流窮應使全身出
橫澗忽當前踟步不可越
巖上誰招予知是

李梅集

十五四明叢書

約園刊本

倦還客潭底勝如何畱待他年覓

一夜月光白一夜雪花飛
天意固莫定異景誰教施
點綴名山川斯遊真稱奇
推窗失近山遠山望更迷
山閣夜迢遙寒爐火力微
卓爾二三子冷骨偏相宜
披衣不成寐清音何參差
百年偉人多屈指動遐思
清流九曲中遺老皓鬚眉
林張與周邵野人尙能知
誰其爲主者我我解大師
日暮霜雪裏灰槁歲寒時
茅菴四五楹甘與濁世違
晚生吾不見故址今頽夷
剡川近在眼卻教舟懶移
歎息謂諸公流風尙可追

晴雪迎我來積雪催我發日色麗中間遊事喜無闕出
門倚瘦筇山徑微欲滅稍異登山時天界高且潔寒霧
溷彤雲六宇光相接但見層崖下松竹垂垂折去住難
爲情歸路回頭失野店村酒濃又聽聲浙浙芒芒水樹
閒小棹剡溪雪繁彼山居子閉門行迹絕有時斲黃精
綠蓑釣一葉我來正其時胡爲尙馳突何年買薄田結
茅採薇蕨地險自崔嵬天光任荒忽近謝一世情遠見
千年哲請與同行人共住仙靈窟

郭二寓堂未與雪竇之遊既歸以詩來索雪竇作

存梅集

十六 四明叢書

約園刊本

紀遊十首奉覽復以三律附之

月湖詩客孤吟日雪竇遊人興未闌一夜雪深三尺許
千山景動十分寒倚天翠壁奇難繪匄耳飛泉凍不乾
那得好詩如畫裏請君更向夢中看

遠湖南豐登覽後累朝名士富新詞最憐遺老長懷剡
從此名山更要詩懷古私精吟不足勝遊天色倍增奇
玉川大有驚人語試問風騷近屬誰

歸來春事已平分自捧盤匱膝下勤親老那能久空谷
心退未忍忘閒雲幸因暇日陪諸友但遇重遊定約君

誰是僻耽山水好斷腸煙柳正斜曛

寫黃氏日鈔作

千載微言何所託晦翁墜緒不難尋
啜醜無那人都醉仗錫山翁獨醉吟

國是誰支仗一江絃歌小小試南邦
青山埋碧人何處遙夜寒芒出寶幢

東吳猶有願亭林獨識先生衛道心
五百年來香一瓣洛波無恙到如今

去年借得日鈔書凍筆寒鐙不憚劬
自笑廿年生太魯

存懷集

十七四明叢書

約園刊本

不知心學竟何如

哭石齋

眼前都俗物那得更如君皓白中天月
清寒出岫雲埋愁生不樂避世鬼爲羣
淚落紛多感哀哉子不聞

草草暝雙目愬愬蓋一棺廿年分雁影
千古痛令原似憶良朋在誰承老母歡
大聲深夜裏莽莽出荒村

煙霞曾有癖山澤爾真癡揮手辭今世
冥心愧故吾夢應畱雪竇梅自放雲湖他
日名山路幽尋興欲孤

舍北玉川子高懷正爾齋春晴每泛棹
夜雨共山樓墨

妙神猶在魂歸路或迷秋墳三尺土葬爾必光溪

和莊太常公九月二日卽事詩

人閒無地可埋愁躑躅行吟正杪秋病葉蕭騷一夜散
黃花哀怨百年畱心隨烏鵲南飛去身在崦嵫西盡頭
義從也同箕尾化皎山空憶舊魂遊

彼婦猶知故國愁男兒少小讀春秋老漁自惜靈均放
舊友長驚豫讓畱何處報讎尋末著只應祈死了從頭
忠貞忠介雙攜手句雨三仁接跡遊

集雲溪書屋與寓堂分賦

存悔集

十八四明藏書

約園刊本

一枝小杏春如許夜照涼蟾半吐紅莊叟遽遽夢未曉
好風吹汝過牆東 紅杏

遠風來處暗聞香疑是昌州一海棠倦倚竹闌渾不語

日斜春夢更飄揚 海棠

亭亭村舍見辛夷野草山花伴短籬莫展芳心長染筆

欲書葉葉寄相思 辛夷

配京以清容學士故研奉謝山先生有詩見示賦

答

一片羊肝綺輕當古玩傳猶憐墨作繡想見筆如椽禮

樂儒臣議碑銘國史編風霜五百載故物尙依然
學士橋邊席蓮花莊上吟遺文今拱璧寶研昔兼金延
祐昌文體邵菴和好音此君功不細相對更披尋
於今著作手四海小泉翁麗澤古爲友芳思後孰同
垂雙韭月韻接十亭風沈碧何來此摩娑與未窮
從茲爲掌故鄉社繼鴻文溫潤一枝玉輪囷五色雲
西春伴侶研北夜耕耘卓爾玉川子他時還贈君

七月二十七日大風雨

大塊誰噫氣天心豈不平人閒行潦滿雲外月光明簷

存悔集

十九四明叢書

約園刊本

溜侵鐙影鄰鐘咽曉聲相思秋夜永不見舊峯青

敲枕不能寐晨光又冥濛雪花飛急雨天鼓動迴風蔽

野寒光合翻山駭浪重蒼芒東海裏盡日舞虬龍

獨望能無意危樓百尺高天長禽滅影秋淺樹空梢廢

苑浸新碧細湖生怒濤簾開風送雨何處下爲巢

風雨連朝夜郊闌滿賤貧瓦飛隨葉落茅捲渡江濱米

甕藏無所寒衣舊未紉家家泥沒肚試覓晚炊人

巢穴猶知警吾人獨惘然木棉荒徧野晚稻沒幾阡鹵

潤海濱屋魚行江上田雄風誰欲賦極目起愁煙

八月初九夜放舟至西莊觀穫

鏡紅遠浦影沈沈
柔櫓輕舟一夜心
四野亂蛩鳴不了
月隨船影度疏林

颯颯寒風霜漸凝
村墟是處急砧聲
浮雲終古長爲客
卻要無端掩月明

雨過村舍淖如漿
野水新添四尺強
一望稻花香百里
山山翠色送秋涼

先世遺風存卷軸
此生微業在桑麻
一邱疑是前緣結
預卜南村野老家

存悔集

二十四明錄書

約園刊本

且憩亭

引我上空亭
秋風颯颯清
野人方戴笠
有客獨班荆
夕水歸三島
前山入四明
吾家原不遠
正有日歸情

西石山

涼氣捲單衣
平岡獨立時
雲飛千里暗
日落萬峯奇
潮汐催人老
東西看路歧
龍山翹首是
上有客星祠

接待寺

小徑斜斜轉
林花簌簌殘
山光遙送碧
松韻晚生寒
日夕倦歸鳥
江清閒釣竿
亂蛩撩客意
無語一憑欄

眾樂園

一片平蕪地人傳眾樂園相公昔歌舞禽鳥亦啾喧野
蔓依危石虛臺曠暮猿暝煙秋草外舊史試尋翻

秋盡日感事

那揄山鬼笑聲多淒苦先傳薤露歌自古而然今及子
人生到此死如何斜斜繭紙新留墨耿耿龍泉舊欲磨
衰情不知人世事哀鳴獨雁忽飛過

出門莽莽竟何之隻影傍徨失所思窮路步兵流痛淚
招魂楚客賦新詞夢中事去空潭影月裏人歸夜雨時

存悔集

三四明叢書

約園刊本

長夜不眠鏡黯淡欲將懷抱向伊誰

曾言有友在中閩不讓多才賢氏妻萬種深情聞裏見
長年幽恨夢中啼誰教黃允生離語合作潘安永逝題
泉下頗能相諒否蕭蕭風雨聽鳴雞

稻梁夙志是耶非沙鳥連羣自訴飢已分蟻蜡分半李
不妨糠覈食長肥蟹樓一夕凌空起怪霧連朝繞路飛
側足及泉庭戶裏人生何處足忘機

當時曾是一青柯門戶淒涼有雀羅劉子登僊雞亦化
費生失勢鬼爭呵此身俯仰成今昔世事倉黃其折磨

天與英雄要如此不須重唱路難歌

秋夜昏昏近五更讀書時有不平鳴人傳吾祖栽花恨
更說仙翁折柳情八月花鬚上蚊口千秋雞唱亂蠅聲
憑誰一雪平生恥猶有浮煙身後名

悲來無計送窮秋吾道非與未肯休懶說無生都是幻
從教不死亦添愁匹如噩夢兼妖夢一任人謀更鬼謀
發憤著書消歲月餘閒且自付牀頭

霜風日夜敗葭蘆山上長松影亦孤百事茫茫空寤寐
廿年草草此頭顱短衣匹馬身寫往野水窮鄉歲欲徂

存梅集

三四明藏書

約園刊本

傳語鮑焦休抱木能從蹈海魯連無

偶題坊書示寓堂

釋迦近日慈悲甚著穢頭顱亦未傷疑是達觀無我相
只愁頂上失圓光

音學亭林著五書棗梨都出鷺田餘古人清節如天遠
子墨浮煙慮子虛

黃雀紛紛何足惜但憐孤雁亦依人丈夫末路成殘婦
莫與屏山作後身

羣兒行

城南羣兒何喧闐中有老翁方頽然老翁髮白鬚眉蒼
乃與羣兒稱忘年老翁之居傍水濱小西一老昔故人
中年睚眦竟割席今日相逢不相識暮雲天末傷如何
殘秋新雨聲滂沱吾聞范巨卿素車白馬赴舊盟此事
至今人涕零生死不易真交情又聞遼東有管寧華氏
之子非吾朋邠原亦東還卓帽一榻如孤僧後進不敢
輕入庭狂風吹折老竹梢下與叢草相縈滄豈憶孤生
出籀時冉冉本欲干雲霄嗟哉此語勿令羣兒聞羣兒
聞之渙其羣

存梅集

三五四明叢書

約園刊本

惜秋蓮

一片青青水面光手栽菡萏□□□□□曉逐炎雲散
綠蓋宵聽細雨長誰轉芳□□□□竅漸生苦蕙入空房
漫憐寂寞秋容淡碧藕經春更抱香

寄友

蕭蕭雙鬢冷隨葉落西風秋老少年客人遙舊夢中一
明夜雨四壁訴寒蛩衰草秋山外憑欄此夕同

重九後二日有贈

日夕呼庭響未寒如斯種種更悲酸鼓琴欲斷佳人手

縱酒長澆壯士肝

豈有英雄忘擣李由來游俠在邯鄲平生幾點恩離淚
不惜尊前對客彈

秋盡有懷

一樽聊復散千憂欲罷離騷意未休心未著灰先欲冷
變雖無病亦驚秋風前小立芙蓉怨露下微吟蟋蟀愁
誰寄美人遲暮語月明千里獨凭樓

讀司馬相如傳

當年滌器酒壚旁坐對文君足斷腸幕地風雲遭狗監

存梅集

孟西園明齋書

約園刊本

誰知犬子已爲郎

曲終奏雅只虛情得比俳優亦稱名一代淫靡成底事
餘風興起草玄生

小樓渺渺望重湖雲掩孤山舊口虛一自仙翁乘鶴去
人間爭著茂陵書

冬日作

川枯木落晚山尊青入寒空似有痕憶得無求天不賤
此生莫負易堂言

庚午元日詩

籛籛曙鼓夢初醒漫說江湖處土星未有千頭奴在渚
且須五斗粟盈瓶嚴君播種文堂構慈母尸喪守甕甕
落落賤貧人莫識一樓晨色展遺經

誰傳春信到梅花西北狂飈慘歲華半捲癡雲還舞雪
全遮紅日忽流霞千尋碧落鷹摩翮萬里黃塵雁帶葭
獨立小山觀物理南轅北馬足深嗟

獻賢鄉里久無聞科舉人才帖括文禮樂匡時思賈誼

漢文前元年賈生請
定禮樂時年二十一

功名逢世惜終軍抱關晨夕行傳

司職牛羊只計羣干祿代耕慙不了故人笑負昔云

存悔集

三五四明叢書

約園刊本

云

平生多少素心期但逐科名願已微臨鏡不梳時樣髻
稱心只著舊時衣插天碧嶂曾招隱出壑流泉亦忘機
不見若耶溪畔女淡妝擘擘有光輝

正月十日雙韭山房同配京力臣先生手校漢

隸字原

庚午

力臣先生六十餘摩娑老眼校隸書七更寒暑不離手
萬里南北隨舟車小學拋荒今已久秦文漢篆化芻狗
亭林侃侃論音學校讎喜得君爲友剗帝虎多差訛

墨本一一出君手二子分書注其旁此書自古亦希有
書成夜夢見婁機復出苦心訂其疑流傳展轉來句越
尊前流覽成狂癡雙韭山房萬籤軸假館兩年未能讀
古文奇字識幾篇爾雅小辨何從熟古人用力精且勤
暮年不有玩斜曛心精貫注足千載光氣長爲識者珍
于今丹塗光冉冉字畫樸茂如千鈞我思先生不可作
此中筆法從誰學試攜此本手自模笑說揚雄新改錯

春雨

細雨無邊潤春光應節移小桃舒嫩蕊老桂發新枝日

存悔集

天國明叢書
約園刊本

以忘機永神因習靜怡階前有護草鄭重勿長思

遺月船九頭蘭并乞護草

騷人百畝空誇說我有幾莖夜吐香山谷曾言蕙如土

此花應與贈盧郎

低簷茅竹野人家廉外愬愬細□□與忘憂一護草

他時還種合歡花

目不窺園似廣川先生獨治尙書箋兩湖桃柳春風裏

我欲來呼載酒船

擬栽赤堇更青櫛只惜山居計未成聞說海棠長十丈

春來花映石窗明

遺月船花露釀

仙掌金莖露未晞
枝頭更挹玉漿歸
十洲春色翁翁滿
翁翁周禮齊盎盎猶翁也
酒成而翁翁然翁白色也
笑殺梨花颺酒旂

不待糟牀漚漚聲
盈缸浮蟻引詩情
葛巾漉罷陶公酒
日暮春風扇宿醒

誰從北海再開樽
乍湧甘泉徧飲醇
五月黃梅八月桂
此君便是老成人
此酒味極極甘
逾秋則芳烈

朝朝元酒酌金罍
肺病新亭杜老杯
漫說不宜高士飲

春梅集

二七四明叢書
約園刊本

淺斟應贈細君來
余近以肺病止酒

聞配京爲小溪之遊

春來懶散欲何之
綠鬢蕭蕭倦不支
結伴乍聞吾友約
獨行不許俗人知
舊遊曾到猶成夢
濟勝重來恐待時
如此晴和好風景
一樓凝坐正刪詩

妙高臺上去年春
傑閣清談□□□□
忽歸巖下土

腐生空惹世中塵
村南濁□□□飲雪
北疏梅次第新月
卜夢來三十里
更呼小艇蕙江濱

春峯青絕似煙鬟
江上閒雲日往還
著屐此生能幾兩

結茅他日定三間青橘長憶石窗路黃獨曾嘗仗錫山
二十二年心不改約君終老共疏頑

赴鄉試作時余有悼亡之感

雞鳴風雨暮寒時壯士肝腸此後知多事只因入世早
少年張悔讀經遲悠悠去路曾何補耿耿從頭欲問誰
平昔友人直諫否撫膺一慟不勝悲

異國蟲聲刮耳來朝朝愁看舜華開秋風飲恨人間世
修夜含酸望思臺肺病直緣心血短餘年只爲鼠雖哀
歸堪木落紅空裏華屋愔愔入草萊

本梅集

天

約園刊本

赴鄉試歸作用四姪清明詩韻

燕領鳶肩笑未曾風塵空使病人勝越山慘淡圖秋景
古刹荒涼記佛燈暫作羈留非是客但餘煩惱未爲僧
歸來風雨西窗底車馬敲門總不磨

逐逐交情水上鱗依依花鳥眼前春拚將詩酒消愁去
剩有閑遊結隊新噩夢未醒誰唾面深池欲墜看盲人
只今聽得言提耳恨殺啾啾總失晨

枝枝金粟入窗斜夢裏兼程□□□路鴻飛憐夜影
空梁燕老憶春花小庭□□□草千里香風沁月華

一片遊魂何處所南屏山下水西涯

瀉水中庭各自流百年先後葬枯骸楊朱歧路添新淚
阮籍窮途引舊愁紅樹差差秋士眼青絲種種少年頭
無因化作繡蠻鳥不盡傷心訴昔遊

焚舊作時文

十年結習未全除空使兒時廢讀書辛苦耽思墜茅葦
分明藝語託荆舒便教詞賦工何益況是蟲魚注不如
盡化遊絲野馬去試看殘焰祖龍餘

謝山先生賜讀郭氏易說有詩見示奉和元韻三

存梅集

天西明叢書

約園刊本

首

白雲高尙明家學別任程門一綫傳策數還殊晦翁說
當時往復幾纏綿

艮止無須嘆路歧病翁謂謝山先生知命更何疑天教頤正

林泉裏舊學新從講舍貽

遺老鹿谿先生畫圖徵士先驚百徵君筴一瓿聊與代風流謝黎

學錄如能讀欲慰長楊墜地憂先生有長齋立武諸儒學錄

有過配京齋者聞讀書聲不絕詩以訊之

金石鏗鏗出戶來雅琴日夕□□□知誦數盈幾許

疑是南豐舊卷開

強記曾誇牛角時於今絕讀更垂帷角巾遠志空教著
舊賦靈光亦半遺

壽芥子夫子八秩

廿載以前師始杖正當小子晬盤時神明老壽人間少
辱與門牆尙不遲

憶當志學聽談經荏苒芳華又八更道術尙能纂清獻

功名未敢說文貞

鵬初見先生辱荷宏
獎謂氣體似京江

支頤抱膝老茅簷貧賤時將患難兼心事由來占履坦

存悔堂

三四明叢書
約園刊本

遭逢大略應初潛

交遊落落似晨星舊雨春雲最動情北郭幽期吾族老

白頭相對話平生

北斗箕南一瓣香微言大義正蒼茫彭宣經術康成算

若箇先登最有光

和平端自養天休畸僻緣知惹世尤珍重德人言在耳

尸居端嘿亦風流

少日從遊願最殷未成師說但尊聞後生誰受遺經屬

家學他時在白雲

追隨昕夕近儀刑仁壽精神老愈盈滿捧甕頭花露酒
杜鵑枝畔祝先生

存悔集

三
四
明
書
約
園
刊
本

存悔集

四明叢書

四明叢書
約園刊本